

Eqqortuusinnaava pisortat suliffeqarfiutaata Royal Greenland A/S-ip tunisassiorfinnik nammineq ingerlakkumangisaminik namminersortunut aallartisartunullu tunisigaangami unammillinninnissamik pituttuisumik piumasaqaatitalinnik isumaqatigiissuteqartarnera (konkurrence-klausul)- pillugu, apeqquteqaat aallaavigalugu Inatsisartut oqallinnissaannik siunnersuut.
(Inatsisartuni ilaasortaq Jens Immanuelson, Siumut)

Akissuteqaat

(Naalackersuisut Siulittaasuat)

Siunnersuuteqartup kissaatigaa Naalackersuisut Royal Greenland A/S-imik piginnittuunertik aqutigalugu Royal Greenland A/S-ip nunaqarfinni tunisassiorfiutiminik tunisinerminnut atatillugu unammilleqatigiinnikkut piumasaqaatinik atuisarnerata killilersorneqarnissaa sulissutigineqassasoq.

Naalackersuisunit siunnersuut qujassutigineqarpoq, ilaatigummi tungavissinneqaratta ingerlatseqatigiiffinnut namminersorlutik oqartussanit pigineqartunut naalackersuinikkut sinaakkusiussatut piumasaqaatit oqallisinissaannut.

Royal Greenland A/S-ip tunisassiorfiutaanik tunisinermut atatillugu, namminersortut illuutini tuniiaasarnerat assigalugu, ingerlatseqatigiiffimmiit nalilernerqartarpoq tunisinermut piumasaqaatini unammillinninnissamik pituttuisumik piumasaqaatitalinnik isumaqatigiissuteqartoqassanersoq - tassalu unammillernermik killiliisumik isumaqatigiissusiortoqassanersoq imaluunniit siulliulluni pisisinnaataaneq atorneqassanersoq. Illuutini niuertarnek, Royal Greenlandiuppat ingerlatseqatigiiffiuppaluunniit namminersorlutik oqartussanit pigineqartoq, Naalackersuisunit sammisatut allatut ingerlatseqatigiiffiup ulluinnarni aqutsisunit aqunneqartoq, naalackersuinikkut akuleruffigisassaangitsutut isigineqarpoq.

Royal Greenland A/S-ip nalunaarutigaa ingerlatseqatigiiffiup tunisinerni tamani aalajangersimasumik isummerfigisarmagu pisariaqassanersoq unammilleqatigiinnernik killilersuisumik isumaqatigiissusiortoqassanersoq. Unammillinninnissamik pituttuisumik piumasaqaatitalinnik isumaqatigiissutigineqartut ukuni arlaqanngitsunik sivisussuseqartillugit nalinginnaasumik atuuttarput. Royal Greenland A/S-imit ilanngullugu nalunaarutigineqarpoq isumaqatigiissutini siuliani taaneqartuni siunertaasartoq ingerlatseqatigiiffiit sulinerunissamut ilaanissartik kissaatigineqassanngitsoq, Royal Greenland A/S-illu suliffinnik pisinermi aningaasanik atueriarlutik taakkuninnga unammillertaasunut tuniiaanissaq soqutigisarinnigilaa.

Royal Greenland A/S niuerniarnermik siunertaqarluni ingerlanneqassaaq. Tamatuma kinguneraa Royal Greenland A/S aallaavittut periarfissaqassasoq niuerfimmi akuusutut allatuulli piumasaqaataasut iluini ingerlatsinissamut. Tamatumanilu soorunami Royal Greenland inatsisinik atuuttunik eqqortitsisussaavoq, ingerlatseqatigiiffiullu suliffeqarfimmik ingerlatseriaatsiminik ileqqorissuunissani taku-tillugu.

Naalackersuisut ataatsimut isigalugu isumaqarput suliniutit unammilleqatigiilluarnissamut killiliisut pinaveersaartinnissaat naalackersuinikkut pingaartittariaqartoq.

Tamannalu naalackersuisinikkut isumaqataaffigineqarluartut Naalackersuisut isumaqarfigaat, tassami 2014-imi upernaakkut unammilleqatigiinnissamut inatsit massakut atuuttoq akuersissutigineqarpoq.

Allatut oqaatigalugu suliniutit unammilleqatigiinnermik killiliisut sapinngisamik pinaveersaartariaqarput. Peqatigitillugulu pingaaruteqarpoq susassaqarfimmi tassani, susassaqarfiit allat assigalugit, piomasaaqatit atugassarititaasullu assigiimmik ingerlannissaat, pisortanit pigineqarluatik suliffeqarfiit Royal Greenlandit ittut aamma suliffeqarfiit namminersortunit pigineqartut eqqarsaatigalugit.

Unammillinninnissamik pituttuisumik piomasaaqatitalinnik isumaqatigiissutit pillugit apeqqummi massakut apeqquteqaat aallaavigalugu oqallinnermi pineqartumi Naalackersuisut ilisimatitsissutigisavaat piomasaaqatit taamaattut illuutitik tuniniaanermi atorneqartut Atuisoqarnermut Unammilleqatigiinnermullu Aqutsisoqarfimmut kalerriutigineqartussaammata.

Naalackersuisut nalunaarfigineqarsimapput nunaqarfinni tunisassiorfinnik niuernertut ittunik illuutitik niurnerit pillugit isumaqatigiissutaasut, Royal Greenlandimiillu Atuisoqarnermut Unammilleqatigiinnermullu Aqutsisoqarfimmut nalunaarutigineqartut, aqutsisoqarfimmiit imatut nalilerneqarsimammata:

Atuisoqarnermut Unammilleqatigiinnermullu Aqutsisoqarfik pisumiit pisumut nalilersueqqissaartarpoq. Niueqatigiinnerit ulloq manna tikillugu nalunaarutigineqartut, unammillinninnissamillu pituttuisumik piomasaaqatitalinnik isumaqatigiissutinik imaqartut, aqutsisoqarfimmiit unammilleqatigiinnermut inatsimmik eqqortitsisutut nalilerneqarput, taamaallitullu unammilleqatigiinnermut inatsimmi § 6-imi unammilleqatigiinnermik killiliisumik isumaqatigiissutit pillugit aalajangersakkanut ilaanatik.

Atuisoqarnermut Unammilleqatigiinnermullu Aqutsisoqarfiup tassunga atatillugu pingaartissimavaa qaleralinnik pisisussap pisiortorsinnaanera suliarinninnissaaluunniit ataatsimut killilersorneqarnissaa matumani pineqanngimmat, taamaallaalli illuutigineqartup killeqartumik atorneqarsinnaanera kisimi pineqarluni. Taamaammallu pisisup illuutitik allanik atugaqarluni qaleralinnik pisillunilu suliarinnissinnaanera imaluunniit illuutit siunertanut allanut matumani unammillinninnissamik pituttuisumik piomasaaqatitalinnik isumaqatigiissummut pineqartumut ilaanngitsunik atornissaannut killilersorneqanngilaq.

Tamannalu tunngavigalugu Naalackersuisunit inassutigineqarpoq siunnersuut saqqummiunneqartoq Inatsisartuniit oqaaseqarfigineqarnissaa Inatsisartut isumaqatigissagaat, matumanilu unammilleqatigiinnissamik pituttuisumik piomasaaqatitalinnik isumaqatigiissutit atorneqarnerisa killilersornissaat suliffeqarfimmut tamanut atuunnerat paaseqqullugu, suliffeqarfik kikkunnilluunniit pigineqaraluarpat.

Tassungalu atatillugu Naalackersuisut kissaatigaat siunnersuuteqartoq Inatsisartullu unammilleqatigiilluartoqarnissaa anguniarlugu suliniutigineqartoq Naalackersuisunit naliliiffigineqarnissaa Inatsisartunit isumaqatigineqassasoq. Tassungalu ilaasumik Naalackersuisut immikkut nalilissavaat illuutitik tuniniaasoqarnerani unammilleqatigiinnermik killiliisunik aalajangersaasinnaanerup killilersorneqarnissaanut inatsisitigut suliniutitik aallartitsisoqassanersoq.

Naalackersuisut apeqquteqaat aallaavigalugu oqallittoqarnerani Inatsisartut oqaaseqaatissaannut qilanaarput.